



PRESS SECRETARIAT

MINISTRY OF THE PRIME MINISTER & CABINET

Apia, Samoa

Telephone : (685) 63222 ext 746, 747, 748, (685) 24799, (685) 26397

Fax : (685) 26322 Email: presssecretariat@samoa.ws

Press Release

14 Me 2008

1. Malaga a le Minisita o Aoga, Taaloga ma Aganuu mo le:

- i. Fono i Fiti, ma le**
- ii. Fono i Filipaina.**

Ua faamaonia e le Kapeneta le malaga atu o le Minisita o Aoga, Taaloga ma Aganuu, le Afioga Alapati To'omata, i le Fono a le USP i Fiti i le aso 15 – 16 Me 2008, faapea ma le Fono a le Pule Sili o le UNESCO ma Komiti mo le UNESCO a Asia ma le Pasefika e faia i Filipaina, aso 19 – 23 Me 2008.

Fono a le USP i Fiti: O le Afioga i le Minisita o se tasi o loo i totonu o le soakomiti a le Iunivesite a le Pasefika i Saute ua taua o le Joint Committee of Council and Senate. O lenei Fono o le a faatalanoaina ai ni mataupu ta'ua mo le gasologa manuia o le Iunivesite mo le lumanai.

Fono a le UNESCO i Filipaina: O lenei Fono o le a talanoaina ai le Tala o le Tupe a le UNESCO mo le 2010 -2011. E taua tele le auai atu o le Afioga i le Minisita i lenei Fono, ina ia iai se leo o le Pasefika i le fa'ata'otoina o le Tala o le Tupe mo le Pasefika.

2. Malaga le Sui Palemia i Niusila.

Sa faamaonia e le Kapeneta le malaga a le Sui Palemia, le Afioga Misa Telefoni e auai atu i se Fono ma nisi o faioloa o atina'e tau tagata tafafao i totonu o Aukilani, Niu Sila i le aso 12 – 13 Me 2008. Sa faapea foi ona auai atu le Afioga i le Sui Palemia i le Tauvaga o le Sailia o se Tausala Samoa mai Niusila sa faia i le aso 10 Me 2008.

O lenei malaga o se avanoa lelei lea e talanoaina ai nisi o atinae ma galuega faatino ma Kamupani faioloa o atinae tau tagata tafafao i Niu Sila, mo le faaleleia o fesootaiga tau maketi a Samoa i lea atunuu. I lenei Fono, sa taua'aoina atu foi ni faailoga faapitoa i nei Kamupani, mo le latou maketi'ina o Samoa i totonu o Niu Sila.

Sa auai atu foi le Afioga i le Sui Palemia i le Tauvaga o le sailia lea o se Tausala Samoa Niusila 2008/2009 aua le faamoemoe ina ia auai mai se tamaitai manumalo mo le sailia o se Tausala Samoa i le Vaiaso o le Faaliga o le Teuila ia Setema 2008.

O le a malaga faatasi le Afioga i le Sui Palemia ma le Pule Sili o le Pulega o Tagata Tafafao Maimoa Mai Fafu, le Susuga Matatamalii Sonja Hunter.

3. Tatalaina Taligalu i Leusoalii.

Ua faamaoniaina e le Kapeneta le polokalame e tatalaina aloaia o le taligalu i Leusoalii i le itula e 10 i le taeao o le aso Faraile, 16 Me 2008.

O le Saunoaga Autu mo le tatalaina o le taligalu o le a fatino e le Afioga i le Palemia, le Susuga Tuilaepa Sailele Malielegaoi.

O lenei galuega sa fausia e le Kamupani a le Silva Transport Construction i lalo o se poloketi a le Matagaluega o Galuega, Fela'uaiga, ma Atina'e Eseese.

4. Iugafono a le Komiti Tauofoga.

Ua faamaonia e le Kapeneta le fautuaga a le Komiti a Tauofoga mo le tuuina atu o le galuega mo le fausia o tane ma masini e faamamaina ai le suavai leaga ma suavai lafoi'a mai pisinisi ma faletetele, i le Konekerate a le Robert Stone Co, Ltd. mai Niu Sila.

E tolu konekerate sa tauofo mai i lenei galuega e aofia ai le Aeromix Ltd. mai Amerika, o le Seprotech Ltd. mai Kanata ma le kamupani lenei o le Robert Stone Co. Ltd. mai Niu Sila. I le maea ai o iloilogaga a le komiti faapitoa sa tofia mo le tauofoga, sa tofia ai le kamupani o le Robert Stone Co. Ltd. mo lenei galuega.

O lenei galuega atoa, o le a faatupeina mai i se nonogatupe ua maea ona sainia ma le Faletupe o Atina'e o Asia.

5. Iugafono a le Komiti Tauofoga.

Ua faamaonia e le Kapeneta le fautuaga a le Komiti o Tauofoga e tuuina atu le galuega mo le faaleleia o le auala faapea ma alavai i le Sliding Rocks i Se'ese'e i le Kamupani o le SWEL.

I le faasalalauina o lea tauofoga, e ono ni kamupani na faapea ona tuuofoga mai i ai. I le maea ai o le iloilogaga a le soakomiti, ua latou autasi e tuuina atu le galuega i le Kamupani o le SWEL.

O le taimi nei ua tele ona alofia e tagata lea mata'aga ona o le faaletonu i le auala. O lenei galuega e tele sona taua aua o loo i ai se mata'aga e fiafia ai le tele o tagata tafafao mai fafo e maimoa ma fa'amālū ai.

Government Press Release